



TOSHKENT DAVLAT YURIDIK UNIVERSITETI REKTORINING B U Y R U G ' I

23.06.2023

105-um-son

Toshkent davlat yuridik universitetida murojaatlarni ko‘rib chiqish va ijro intizomini yanada takomillashtirish chora-tadbirlari to‘g‘risida

O‘zbekiston Respublikasi Prezidentining 2020-yil 29-apreldagi “O‘zbekiston Respublikasida yuridik ta’lim va fanni tubdan takomillashtirish bo‘yicha qo‘shimcha chora-tadbirlar to‘g‘risida”gi PF–5987-son Farmoni ijrosini ta’minlash, hamda Toshkent davlat yuridik universitetida (keyingi o‘rinlarda – universitet) talabalari tomonidan kelib tushayotgan murojaatlarni o‘z vaqtida ko‘rib chiqilishi, byurokratizm va sansalorlikka yo‘l qo‘ymaslik hamda murojaatlar bilan ishlashda shaffof tizimni yaratish maqsadida,

B U Y U R A M A N:

1. Universitet talabalarining murojaatlarini qabul qilish, ushbu murojaatlarni o‘z vaqtida hamda sifatli ko‘rib chiqishning elektron tizimi joriy etilsin.

2. “Elektron universitet” bo‘limi (A.Karimov) 2 oy muddatda:

universitet talabalari tomonidan “Elektron universitet” platformasi orqali kelib tushgan murojaat (ariza, shikoyat va taklif)larni ijrochilar (tarkibiy bo‘linma rahbarlari)ga avtomatik tarzda yuborilishini va muayyan muddatlarda mas’ullar tomonidan ko‘rib chiqilishining onlayn tizimini yaratish;

universitet rektorining “rektorga murojaat boti”ni takomillashtirish hamda talabalarga mazkur bot orqali oson, tez va qulay usulda murojaat yo‘llash imkoniyatini ta’minlash;

“Elektron universitet” platformasining mobil ilovasini yaratish orqali talabalarga murojaat yo‘llash imkoniyatlarini yanada kengaytirish;

universitet binolarining kirish joylaridagi mavjud monitorlardan unumli foydalangan holda, ularda talabalarining murojaat yo‘llashi uchun “Elektron universitet” platformasidagi doimiy sahifasi yaratilishini ta’minlasin.

3. Talabalarga xizmat ko‘rsatish bo‘limi (S.Rajabboyev), Elektron universitet bo‘limi (A.Karimov) bilan birgalikda 1 oy muddatda talabalarga qo‘shimcha imkoniyat yaratish maqsadida, ijtimoiy tarmoq (telegram)da “savol-javob” boti yaratilishini ta’minlasin.

4. Bosh buxgalter (M.Parpiyev) talabalarning elektron murojaatlarini qabul qilish va ko‘rib chiqishning yangi tizimi yaratilishi bilan bog‘liq barcha xarajatlarni qisqa muddatda moliyalashtirish choralari ko‘rsin.

5. Talabalarning murojaatlari bilan ishlashda e‘tiborsizlik va sustkashlikka yo‘l qo‘ygan tarkibiy bo‘linma rahbarlari intizomiy ta’sir choralari qo‘llanilishi haqida ogohlantirilsin.

6. Fakultet dekanlari (Sh.Saydullayev, D.Umarxanova, D.Kamalova, B.Musayev, A.Babadjanov) tomonidan talabalarga universitet rektoriga murojaat qilish tartibi bo‘yicha muntazam tushuntirish ishlari amalga oshirib borilsin.

7. Devonxona (X.Abdullayev) mazkur buyruqni universitetning barcha tarkibiy bo‘linmalariga yetkazilishini ta’minlasin.

8. Mazkur buyruqning bajarilishini nazorat qilishni o‘z zimnamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Boshqarma boshlig'i

D.MAXKAMOV



Kelishildi:

Devonxona mudiri

X.ABDULLAYEV



Bo'lim boshlig'i

S.MAMANAZAROV



Moliya-iqtisod ishlar bo'yicha
prorektor

A.IMINOV



Boshqarma boshlig'i

S.BOZAROV



Katta yuriskonsult

A.TURSUNOV

